

O'ZBEKISTON RESPUBLIKASI AXBOROT TEXNOLOGIYALARI VA  
KOMMUNIKATSIYALARINI RIVOJLANTIRISH VAZIRLIGI  
TOSHKENT AXBOROT TEXNOLOGIYALARI UNIVERSITETI  
URGANCH FILIALI

**MAVZU:KOMPYUTERNI VIRUSLARIDAN SAQLASH**

**Urganch 2015**

## **Reja**

- 1. Kompyuter viruslaridan himoyalash**
- 2. Kompyuter virusi qanday namoyon bo`ladi**
- 3. Viruslardan himoyalanihning asosiy vositalari**
- 4. Viruslar bilan kurashuvchi ba'zi programmalar (antiviruslar)**
- 5. Windows lar uchun Doctor Web**

## **Kompyuter viruslaridan himoyalash. Kompyuter virusi nima?**

Kompyuter virusi - bu maxsus yozilgan programma bo`lib, u boshqa programmalarga qo`shilishi (ya'ni uni zaharlashi) mumkin, shuningdek kompyuterda noma'qul harakatlarni amalga oshirishi mumkin. Ichida virus bo`lgan programma «zararlangan» deyiladi. Bunday programma ishni boshlaganda boshqaruvni avvalo virus amalga oshiradi. Virus boshqa programmalarni topadi va zararlaydi, shuningdek qandaydir buzg`unchi harakatlarni bajaradi (masalan, diskdagi fayllarni va shu fayllar joylashgan jadvalni ishdan chiqaradi (buzadi), operativ xotirani bo`lar-bo`lmas «axlat» bilan to`ldiradi va h.z.). Virus o`zini yashirish maqsadida programmani zararlantirish harakatlari har doim ham bajarilavermaydi. Ular faqat muayyan sharoitda amalga oshadi. Virus kerakli harakatlarni bajarib bo`lgandan so`ng, u boshqaruvni o`sha programmaga beradi (virus shu programmaning ichida yotadi) va u oldingidek ishlayveradi. Shu bilan bir qatorda virus bilan zararlangan programma xuddi viruslanmagan programma kabi faoliyat ko`rsatadi.

Mavjud bo`lgan viruslarning ko`pchiligi yadro sistemali fayllarni afzal ko`radilar, chunki ko`p zamonaviy kompyuterlarda fayllar sistemasi bir xil nomlanadi. Masalan, viruslar aksariyat hollarda, Command.com fayliga birlashadi va Dir komandasi bilan boshqa disk va direktoriyalarga tarqaladi. Ko`p hollarda sistemaning zararlanishi kiritish-chiqarish jarayoniga murojaat qilganda ro`y beradi.

Aslini olganda, viruslar sistemalariga birikib ketish uchun har qanday yo`llarni ishlatishadi, shuning uchun ham zararlamaydigan sistemalar yo`qdir.

Personal kompyuterlarga viruslar kirib ketishining asosiy yo`li bo`lib zararlangan disketalar xizmat qiladi. Viruslar borgan sayin beshafqat va hech narsadan qo`rqmaydigan bo`lib borayapti, hatto eng yetuk viruslarga qarshi programmalar ham ular bilan kurashishga ba'zan ojizlik qilayaptilar. Shunday viruslar mavjudki, ular energiyaga bog`liq bo`lmagan xotiraga yashirilib olib, sistemani tozalashda juda katta qiyinchiliklar tug`diradilar. Hatto haqiqiy firma belgisiga ega bo`lgan, siqilgan dastur ham virusdan holi ekanligiga hech kim kafillik bera olmaydi. Viruslarni CD-ROM disklarning shtampovka jarayonida ham o`rnashganlik hollari mavjuddir.

Virus asosan 4 ta fazaga ega:

- uxlash fazasi;
- ko`payish fazasi;
- ishga kirishish fazasi;
- vayron qilish fazasi.

Virus ixtirochisi asta-sekinlik bilan foydalanuvchining ishonchini qozonish maqsadida, uxlash fazasini ishlatishi mumkin, chunki bunda virus ko`paymaydi va ma'lumotlarni buzmaydi. Ko`payish fazasida programmaning ishga tushishi bilan u namoyon bo`la boshlaydi. Ishga kirish fazasi virus programmadagi belgilangan vaqt, oy, yil yoki nusxa ko`chirishning belgilangan sonlaridan keyin

ro'y beradigan voqelik bilan bog'liqdir. Va nihoyat, vayron qilish fazasida ommaviy zararlash amalga oshiriladi.

Ko'payish jarayonida viruslar o'zlarining xayoliy nusxalarini boshqa programmalarga uzatadi yoki diskning ma'lum sohaslariga joylashib oladi. So'ngra asl virusning o'zi bo'lib qoladi va ko'payish jarayonini davom ettiradilar, ya'ni yangi virtual nusxalarni ko'chiradilar.

Viruslarning ko'p turlari shunday yaratilganki, ular zararlangan programmani ishlatganda rezident bo'lib qolaveradi, ya'ni DOSni yuklashdan oldin kompyuter xotirasida vaqti-vaqti bilan boshqa programmalarni zararlav boradilar va noma'qul harakatlarni amalga oshiradilar.

Viruslarning harakati juda tez amalga oshadi, hamda hech qanday xabar bermaydi. Shu sababli, foydalanuvchi kompyuterdagi noxush o'zgarishlarni o'zi sezishi lozim.

Virus programmalarni yozish unchalik qiyin ish emas, bu programmalarni o'rganayotgan talaba ham uddalay oladigan vazifadir, shuning uchun dunyoda kundan-kunga turli xil yangi viruslar yaratilmoqda.

### **Kompyuter virusi qanday namoyon bo'ladi**

Kompyuter zararlanganda, bir qancha Qaroyib hodisalar yuz beradi:

- ba'zi bir programmalar ishlamaydi yoki yomon ishlay boshlaydi;
- ekranga boshqa xabarlar yoki simvollar chiqa boshlaydi;
- kompyuter ishlashi sekinlashadi;
- ba'zi bir fayllar buziladi yoki ularning hajmi ortiqcha har xil yozuvlarni qo'shish hisobiga o'zgaradi, kattalashadi;
- operativ xotiraning bo'sh joyi qisqaradi;
- sistemali disketadan programmalarni yuklash qiyinlashadi yoki umuman yuklanmaydi va h.k.

Shuni ta'kidlash kerakki, programmalar va hujjatlar matnlari, berilganlar bazasining axborot fayllari, jadvallar va boshqa shunga o'xshash fayllar zararlanmaydi. Ular faqat buzilishi mumkin.

Virus bilan quyidagi turdagi fayllar zararlanishi mumkin:

- Bajariluvchi fayllar: **COM** va **EXE** ko'rinishidagi fayllar. Fayllarni zararlaydigan viruslar **fayl viruslari** deyiladi. Bajariluvchi fayllaridagi viruslar shu fayl tegishli bo'lgan programma ishlaganda o'z faoliyatini boshlaydi;
- Operatsion sistemaning yuklovchisi va qattiq diskning asosiy yuklovchisi yozuvlaridan iborat fayllar. Bu sohalarni zararlaydigan viruslar **yuklovchi** yoki **but viruslari** deyiladi. Bunday viruslar kompyuter yuklanishi bilan ishlay boshlaydi va u rezidentlik holatiga o'tadi, ya'ni doim kompyuter xotirasida saqlanadi. Tarqalish mexanizmi - kompyuterga qo'yiladigan disketalarning yuklovchi yozuvlarining zararlanishi. Bularda joylashgan viruslar shu qurilmalar, qurilmalar drayverlari, ya'ni har xil qurilmalar ishini ta'minlovchi programmalarga murojaat qila boshlaganda ishga tushadi.

**Diskdagi fayl sistemani o'zgartiradigan viruslar**Odatda bunday viruslar **DIR** deb ataladi. Bu viruslar diskning biror-bir sohasida fayllarning oxiri sifatida yashirinadilar. Ular ko'rsatgichlar boshini yozuv oxiriga olib o'tib

qo'yadi va **NDD** (Norton Disk Doctor) bilan tekshirganda diskning buzilganligi ma'lum bo'ladi.

**Ko'rinmas va o'zi differensiallanuvchi viruslar** Ko'p viruslar o'zini sezdirmaslik uchun sistemada DOS ga murojaat qila boshlaganda fayllarni xuddi oldingi holatidek ishlashini ta'minlaydilar. Ko'rinmas viruslar shunday tarzda harakat qiladi.

O'zi differensiallanuvchi viruslar esa, o'zini formasini takomil-lashtiradi. Ko'p viruslar boshqalar uning ishlash mexanizmini sezib qol-masliklari uchun o'zining katta qismini kodlangan holda saqlaydi. Bu albatta bunday viruslarni topishda qiyinchiliklar tug'diradi.

**BOOT -viruslar** Ba'zida disketadan hech narsa ko'chirmasdan ham, undan qandaydir programmani yuklamay turib virus bilan zararlanish mumkin. Masalan, **STONE** yoki **MARS** kabi viruslar mavjudki, ular kompyuterni yoqishingiz bilan yoki qayta yuklanganingizda, ichida disketa qolib ketgan bo'lsa, zarar yetkazishi aniq. Bunday viruslar **BOOT** - viruslar deyiladi. **BOOT** Sector-yuklanuvchi soha degan so'zdan kelib chiqqan. Kompyuter yoqilishi bilan disketa orqali yuklanishga harakat qiladi, agar kompyuterda yuklanish disketasi bo'lmasa, buning uddasidan chiqa olmaydi. Lekin disketa qanday bo'lishidan qat'i nazar, **BOOT** viruslar kompyuterni bimalol zararlaydi, shuning uchun ehtiyotkorlik talab qilinadi.

### **Viruslardan himoyalashning asosiy vositalari**

Eng yaxshi himoya turi - viruslarni qay tarzda ta'sir etishini bilishdir. Viruslar oddiy programmalar bo'lib, biror g'aroyib kuchga ega emaslar.

Kompyuter viruslar bilan zararlanishi uchun undagi biror-bir zararlangan programma ishlashni talab qilinadi. Shuning uchun kompyuterning birlamchi zararlanishi quyidagi hollarda ro'y beradi:

- kompyuterdagi virus bilan zararlangan programmalar yuklanishi (**COM**, **BAT** yoki **EXE** fayllar) yoki moduli zararlangan programmaning ishlatilishi;
- kompyuterga virusli disketning yuklanishi;
- kompyuterga zararlangan OS yoki qurilmalarning zararlangan drayverlarining o'rnatilishi.

Viruslardan quyidagi usullar bilan himoyalash mumkin:

- o'qilayotganda disketani, albatta, virus borligiga tekshirish;
- axborot nusxalarini ko'chirish, shuningdek disklar va axborotni saqlash uchun ishlatiladigan umumiy qoidalaridan foydalanish, diskarni jismoniy zararlanishdan, programmalarini esa buzilishdan saqlash;
- axborotdan noqonuniy foydalanishni cheklash, xususan, programma va ma'lumotlarning viruslar ta'sirida o'zgarishidan, noto'g'ri ishlayotgan programmalar va foydalanuvchilarning noto'g'ri harakatlaridan himoya qilish;
- viruslar bilan zararlanish ehtimolini kamaytiruvchi chora-tadbirlar;
- viruslar bilan kurashuvchi maxsus programmalaridan foydalanish.

### **Viruslar bilan kurashuvchi ba'zi programmalar (antiviruslar)**

Antiviruslarni quyidagicha guruhlash mumkin:

- **detektor** va **doktor**-viruslar bilan zararlangan fayllar va zararlantiruvchi virus turini aniqlaydigan programmalar (**Aids, doktor Web, Virus Scan, NU VS**). Bu turdagi antiviruslar fayllarda viruslarning bayt kombinatsiyalari mavjudligini tekshirib, mos bo'lgan axborotni ekranga chiqarib beradi. Ba'zi detektor programmalar viruslarning yangi turlariga moslasha oladi, buning uchun shu viruslarga mos bo'lgan baytlar kombinatsiyasini belgilab berish kerak. Doktorning vazifasi zararlangan fayllar va disk sohalarini tekshirib, ularni dastlabki holatiga qaytarishdir. Tiklanmagan fayllar, odatda, ishlatib bo'lmaydigan holga tushadi yoki yo'q qilib yuboriladi.

- **vaksina** programmalar yoki **immunizatorlar** disk yoki programmalarini shunday o'zgartiradiki, bu narsa programmalarining ishida namoyon bo'lmaydi, lekin vaksinatsiya ishlatilganda virus programma va disklarni zararlagan deb hisoblaydi.

### **Windows lar uchun Doctor Web**

Bu programma 32 bitli Windows turkumidagi operatsion sistemalar uchun mo'ljallangan bo'lib, qisqacha **DrWeb32W** deb ataladi.

**DrWeb32W** funksional jihatdan DOS ning **DrWeb** antivirusiga o'xshash. Lekin **DrWeb** ning 4.0 versiyasidan boshlab antivirus programma ishlashining arxitekturasi va algoritmgiga sezilarli o'zgartirishlar kiritilgan. Bu esa o'z navbatida yangi antiviruslar yaratilishiga asos bo'ldi. **DrWeb 4.0** antivirusining asosiy yangiligi modul prinsiplarining qo'llanilganidir, ya'ni viruslar bazasi alohida faylda tashkil etilgan bo'lib, u asosiy programma ishga tushgandan so'ng qo'shimcha fayl sifatida yuklanadi. Natijada operativ xotira yetishmovchiligining oldi olinadi. **DrWeb32** antivirus programmasida programma biror muhitda (masalan, Windows 95/98/NT) ishlaydigan qobiq programma va muhitga bog'liq bo'lmagan yadrodan tashkil topadi. Programmalarini bunday tashkil etish quyidagi afzalliklarga ega:

- bitta virus bazasining faylidan DOS ning **DrWeb** programmasi uchun ham, Windows 95/98/NT, OS/2, Novell Netware uchun ham foydalanish mumkin;

- programmaning yadrosini boshqa qobiq programmalar va amaliy dasturlarga ulash mumkin;

- qobiq programmalar, yadrolar va virus bazalarini **Internet** tarmog'i orqali avtomatik kengaytirish hamda yangilash imkonini beradi.

**DrWeb32** ning yana boshqa yangiliklaridan biri uning test qilinadigan obyektlarni ixtiyoriy diskdagi kataloglar ro'yxatidan (hatto alohida fayllarni ham) tanlash imkoniyatining mavjudligidir.

**DrWeb32** antivirus programmasini ishga tushirganda (Windows ning ish stolidan, **PUSK** menysining

Quyida asboblarning panelining, meny bo'limlari va bandlarining asosiy funksiyalari berilgan.

### **Asboblarning paneli va funksiyalari**

Zararlangan fayllar ro'yxatini chiqarish holatiga o'tish.

Tekshiriladigan sohani tanlovchi daraxt holatiga o'tish.

Virusga tekshirish natijalarining ma'lumotlarini chiqarish.

Zararlangan fayllar haqidagi ma'lumotlarni saqlovchi ro'yxatni tozalash.

**DrWeb** bazasini **Internet** orqali to'ldirish.

Antivirus programmaning ishlash parametrlarini o'rnatish.

Chiqish (ishni tugallash).

**File (Fayl) menysi**

-Davolashni boshlash

-Ishni to'xtatish

-ro'yxatni tozalash

-bazani to'ldirish

-ishni tugallash

**View (Ko'rish) menysi**

- zararlangan fayllar ro'yxati

- obyekttni tanlash

-statistika

**Options (Opsiya) menysi**

- holat parametrlarini o'zgartirish

- holat parametrlarini saqlash

- holat parametrlarini tiklash

**Help (Yordam) menysi**

- mavzular bo'yicha yordam

- programma haqida ma'lumot